

製曲十六觀
顧曲雜言
詞品
雨村曲話



詞

品

涵虛子著

中
華
書
局

詞品

元 涵虛子 著

馬東籬如朝陽鳴鳳。張小山如瑤天笙鶴。白仁甫如鵬搏九霄。李壽卿如洞天春曉。喬夢符如神驚鼓浪。費唐臣如三峽波濤。宮大用如西風鵬鴞。王實甫如花間美人。張鳴善如彩鳳刷羽。關漢卿如瓊筵醉客。鄭德輝如九天珠玉。白无咎如太華孤峰。以上十二人爲首等。貫酸齋如天馬脫羈。鄧玉賓如幽谷芳蘭。滕玉霄如碧漢閒雲。鮮于去矜如奎壁騰輝。商政叔如朝霞散彩。范子安如竹裏鳴泉。徐甜齋如桂林秋月。楊淡齋如碧海珊瑚。李致遠如玉匣昆吾。鄭廷玉如佩玉鳴鑾。劉廷信如摩雲老鶴。吳西逸如空谷流泉。秦竹村如孤雲野鶴。馬九皋如松陰鳴鶴。石子章如蓬萊瑤草。蓋西村如清風爽籟。朱廷玉如百草爭芳。庾吉甫如奇峰散綺。楊立齋如風烟花柳。楊西庵如花柳芳妍。胡紫山如秋潭孤月。張雲莊如玉樹臨風。元遺山如窮崖孤松。高文秀如金盤牡丹。阿魯威如鶴唳清霄。呂止庵如晴霞結綺。荆幹臣如珠簾鵲。薩天錫如天風環珮。薛昂夫如雪窗翠竹。顧均澤如雪中喬木。周德清如玉笛橫秋。不忽麻如閒雲出岫。杜善夫如鳳池春色。鍾繼先如騰空寶氣。王仲文如劍氣騰空。李文蔚如雪壓蒼松。楊顯之如瑤臺夜月。顧仲清如雕鶚冲霄。趙文寶如藍田美玉。趙明遠如太華晴雲。李子中如清廟朱瑟。李叔進如壯士舞劍。吳昌齡如庭草交翠。武漢臣如遠山疊翠。李宜夫如梅邊月影。馬昂夫如秋蘭獨茂。梁進之如花裏啼。

鶯紀君祥如雪裏梅花于伯淵如翠柳高鸞王廷秀如月印寒潭姚守中如秋月揚輝金志甫如西山爽氣沈仲甫如翠屏孔雀睢景臣如鳳管秋聲周仲彬如平原孤隼吳仁卿如山靜明月秦簡夫如削壁孤松石君寶如羅浮梅雪趙公甫如空山清嘯孫仲章如秋風鐵笛羅伯川如雲林樵響趙子祥如馬嘶芳草李好古如孤松掛月陳存甫如湘江雪竹鮑吉甫如老蛟泣珠戴善甫如荷花映水張時起如鴈陣驚寒趙天錫如秋水芙蓉向仲賢如山花獻笑王伯成如紅鴛戲波以上七十人次之又有董解元盧疏齋鮮于伯機馮海粟趙子昂班彥功王元鼎董君瑞查德卿姚牧庵高栻史敬先施君美汪澤民輩凡百五人。不著題評抑又其次也。虞道淵張伯雨楊鐵崖輩俱不得與可謂嚴矣。